



სსიპ საქართველოს კინემატოგრაფიის ეროვნული ცენტრის  
ლირეკტორი

## ბრძანება

21

10:

2021 წ.

№ 183

ქ. თბილისი

საქართველოს კინემატოგრაფიის ეროვნული ცენტრის  
სამგზავრო თანხის გაცემის წესის დამტკიცების შესახებ

საქართველოს ზოგადი ადმინისტრაციული კოდექსის 52-ე და 53-ე მუხლებისა და საქართველოს სსიპ – საქართველოს კინემატოგრაფიის ეროვნული ცენტრის დებულების მე-4 მუხლის მე-7 პუნქტის „თ“ ქვეპუნქტისა და მე-3 მუხლის მე-2 პუნქტის „ო“ ქვეპუნქტის შესაბამისად,

ვბრძანებ:

1. კინომოღვაწეების საერთაშორისო კინოფესტივალებში, კინობაზრობებში, კონფერენციებსა და სემინარებში მონაწილეობისთვის სამგზავრო თანხის გამოყოფის მიზნით დამტკიცდეს თანდართული „საქართველოს კინემატოგრაფიის ეროვნული ცენტრის სამგზავრო თანხის გაცემის წესი“.
2. ძალადაკარგულად გამოცხადდეს „საქართველოს კინემატოგრაფიის ეროვნული ცენტრის სამგზავრო თანხის გაცემის წესის დამტკიცების შესახებ“ სსიპ -საქართველოს კინემატოგრაფიის ეროვნული ცენტრის დირექტორის 2018 წლის 18 აპრილის #97 ბრძანება და „სამგზავრო თანხის გამცემი კომისიის წევრების დანიშვნის შესახებ“ სსიპ -საქართველოს კინემატოგრაფიის ეროვნული ცენტრის დირექტორის 2019 წლის 25 სექტემბრის #245 ბრძანება.
3. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში ქალაქ თბილისის ადმინისტრაციულ საქმეთა კოლეგიაში (აღმაშენებლის ხეივანი მე-12 კმ. #6).
4. ბრძანება ძალაში შევიდეს ხელმოწერისთანავე.

დირექტორი

ქ. ლიანი

გაგა ჩხეიძე

ვამტკიცებ:

საქართველოს კინემატოგრაფიის  
ეროვნული ცენტრის დირექტორი

/გაგა ჩხეიძე/



საქართველოს კინემატოგრაფიის ეროვნული ცენტრის  
სამგზავრო თანხის გაცემის წესი

პუნქტი 1. სამგზავრო თანხის გაცემის წესი არეგულირებს სსიპ საქართველოს კინემატოგრაფიის ეროვნული ცენტრის (შემდეგში – კინოცენტრი) ბიუჯეტიდან კინომოღვაწეების (კინოს სფეროში დასაქმებული პირების) საქართველოს ფარგლებს გარეთ კინოფესტივალებში, კინობაზრობებში და სხვა ინდუსტრიულ ღონისძიებებში მონაწილეობის ხელშეწყობის მიზნით სამგზავრო თანხის გაცემას.

პუნქტი 2. სამგზავრო თანხა გაიცემა:

- ა)ფილმის შემოქმედებითი ან ტექნიკური ჯგუფის ერთ-ერთ წევრზე, თუ ფილმი მიწვეულია საერთაშორისო კინოფესტივალის საკონკურსო ან სხვა პროგრამაში;
- ბ)კინოპროექტის ერთ-ერთ ავტორზე, თუ ავტორის მონაწილეობა ინდუსტრიულ ღონისძიებაში ხელს უწყობს ფილმის პროექტის განვითარებას;
- გ)კინომოღვაწეზე, თუ მისი მონაწილეობა ღონისძიებაში ხელს უწყობს მის პროფესიულ განვითარებას;
- დ)კინომოღვაწეზე, თუ იგი მიწვეულია საერთაშორისო კინოფესტივალზე ან სხვა საერთაშორისო კინოღონისძიებაზე ჯილდოს მისაღებად ან ნომინაციაში წარსადგენად.

პუნქტი 3. სამგზავრო თანხა გაიცემა საქართველოს მოქალაქეებზე. ერთ კინომოღვაწეზე კალენდარული წლის განმავლობაში სამგზავრო თანხის გაცემა დასაშვებია მხოლოდ ორჯერ.

პუნქტი 4. იმ შემთხვევაში, თუ კინოცენტრსა და საერთაშორისო კინოფესტივალს (ან სხვა ორგანიზაციას) შორის არსებობს შეთანხმება კონკრეტული კინომოღვაწის საერთაშორისო კინოფესტივალის ინდუსტრიულ ნაწილში ჩართულობის შესახებ, ასევე თუ ფილმი მიწვეულია მაღალი კლასის საერთაშორისო ფესტივალზე, მაშინ ასეთ პირზე დასაშვებია დამატებითი სამგზავრო თანხის გაცემა, მიუხედავად იმისა, ამოწურა თუ არა მან წინამდებარე სამგზავრო თანხის გაცემის წესის მე-3 პუნქტით განსაზღვრული ლიმიტი.

პუნქტი 5. სამგზავრო თანხა გაიცემა ორმხრივი მგზავრობის ხარჯის დასაფარად თვითმფრინავით, მატარებლით ან ავტობუსით ეკონომ-კლასით მგზავრობის შემთხვევაში.

პუნქტი 6. მგზავრობის თანხის მოთხოვნისათვის განმცხადებელი კინოცენტრში მგზავრობამდე მინიმუმ 15 დღით ადრე წარადგენს შემდეგ დოკუმენტებს:

ა) კინოცენტრის მიერ შემუშავებული ფორმით კინოცენტრის დირექტორის სახელზე შედგენილ განცხადებას, რომელშიც მიეთითება მგზავრობის ზუსტი თარიღი და მიმართულება.

ბ) ოფიციალურ მოწვევას ღონისძიების ორგანიზატორისგან;

გ) განმცხადებლის პირადობის მოწმობის ასლს;

დ) სამგზავრო ბილეთის ინვოისს.

პუნქტი 7. სამგზავრო თანხის მოთხოვნის თაობაზე კინოცენტრში შემოსულ დოკუმენტაციას განიხილავს და გადაწყვეტილებას იღებს სამგზავრო თანხის გამცემი კომისია (შემდეგში - კომისია). კომისია შედგება 6 წევრისგან. კომისია უფლებამოსილია, მიიღოს გადაწყვეტილება, თუ სხდომას ესწრება კომისიის არანაკლებ 3 წევრი. ის კომპლექტდება კინოცენტრის თანამშრომლებისგან, რომლებსაც უკავიათ შემდეგი თანამდებობები:

ა) კინოცენტრის დირექტორი;

ბ) კინოცენტრის დირექტორის მოადგილე;

გ) კინოცენტრის კინოექსპორტის დეპარტამენტის უფროსი;

დ) კინოცენტრის ფილმწარმოების დეპარტამენტის უფროსი;

ე) კინოცენტრის კინოექსპორტის დეპარტამენტის სპეციალისტი;

ვ) კინოცენტრის ფინანსური მენეჯერი.

პუნქტი 8. თუ სამგზავრო თანხის გაცემის შესახებ განაცხადის განხილვისას კომისიის წევრს წარმოებობა საქართველოს ზოგადი ადმინისტრაციული კოდექსის 92-ე მუხლით განსაზღვრული თვითაცილების საფუძვლები, იგი ვალდებულია ამ გარემოების შესახებ აცნობოს კომისიის წევრებს და განაცხადოს თვითაცილება. სამგზავრო თანხის გაცემის შესახებ განაცხადი განიხილება იმ კომისიის წევრის გარეშე ვინც განაცხადა თვითაცილების თაობაზე.

პუნქტი 9. კომისია ღია კენჭისყრის საფუძველზე უფლებამოსილია მიიღოს შემდეგი გადაწყვეტილებებიდან ერთ-ერთი:

ა) სამგზავრო თანხის გამოყოფის შესახებ;

ბ) სამგზავრო თანხის გამოყოფაზე უარის თქმის შესახებ;

გ) სამგზავრო თანხის ნაწილობრივ ანაზღაურების შესახებ.

კომისიის გადაწყვეტილება აისახება ოქმში, რომელსაც ადგენს კომისიის ერთ-ერთი წევრი და ხელს აწერს კომისიის ყველა წევრი.

გადაწყვეტილება სამგზავრო თანხის მიღების/ნაწილობრივ მიღების ან მიღებაზე უარის შესახებ განმცხადებელს ეცნობება განაცხადის წარდგენიდან 7 (შვიდი) სამუშაო დღის ვადაში. კომისია გადაწყვეტილებას იღებს მე-2 პუნქტის გათვალისწინებით და ღონისძიების მნიშვნელობიდან და მოსალოდნელი შედეგიდან გამომდინარე. ოქმში

ქ. ჩა 17

მითითებული უნდა იყოს განმცხადებლისთვის სამგზავრო თნხის გამოყოფაზე უარის  
თქმის საფუძველი.

პუნქტი 10. კომისიის დადებითი გადაწყვეტილების საფუძველზე კინოცენტრი  
სამგზავრო თანხის მიმღებთან აფორმებს ხელშეკრულებას და ურიცხავს მას  
ხელშეკრულებით განსაზღვრულ სამგზავრო თანხას.

ა. ს. გ.